

Broj: 06-03-579-20/18/15
Mostar, 20.07.2016. godine

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 20. Pravilnika za izdavanje dozvola („Službene novine Federacije BiH“ broj 43/14), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), postupajući po Zahtjevu za izdavanje dozvole za rad za proizvodnju električne energije broj 06-03-579/18/15 od 24.06.2015. godine, podnosioca zahtjeva „SJAJ“ Maglaj, d.o.o., Ulica 1. marta bb, Maglaj, Regulatorna komisija za energiju u Federaciji Bosne i Hercegovine – FERK je dana 20.07.2016. godine na XV redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije podnosiocu zahtjeva „SJAJ“ Maglaj, d.o.o..
2. Utvrđuje se „SJAJ“ Maglaj, d.o.o., status kvalifikovanog proizvođača u objektu solarne fotonaponske elektrane „SJAJ“, u periodu važenja dozvole iz tačke 3. ovog rješenja.
3. Dozvola za rad izdaje se na period od 20.07.2016. godine do 19.07.2021. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1. i 3. ovog rješenja.
5. Imalac dozvole je obavezan da plaća regulatornu naknadu na način i u iznosu koji utvrdi FERK posebnom odlukom.
6. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

FERK je dana 24.06.2015. godine primio od podnosioca „SJAJ“ Maglaj, d.o.o. Zahtjev za izdavanje dozvole za rad za proizvodnju električne energije broj 06-03-579/18/15.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola.

Zbog navedenog FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi podnosiocu zahtjeva dostavio dana

Regulatorna komisija za energiju u Federaciji Bosne i Hercegovine – FERK

Blajburških žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508

kontakt@ferk.ba www.ferk.ba

1

23.07.2015. godine Obavještenje o nedostacima podnesenog Zahtjeva za izdavanje dozvole za rad za proizvodnju električne energije broj 06-03-579-01/18/15 i odredio mu rok od osam dana radi otklanjanja uočenih nedostataka navedenih u obavještenju i upozorio ga na posljedicu propuštanja.

Postupajući po obavještenju, podnosilac zahtjeva je dostavio dopis primljen u FERK dana 06.08.2015. godine pod brojem 06-03-579-02/18/15, uz koji je dostavio dio tražene dokumentacije i obrazloženja.

U cilju konačnog kompletiranja dostavljene dokumentacije, FERK je podnosiocu zahtjeva dana 29.10.2015. godine dostavio Zahtjev za informacijama broj 06-03-579-03/18/15, u povodu kojeg je podnosilac zahtjeva dostavio dana 19.11.2015. godine FERK-u dopis primljen pod brojem 06-03-579-04/18/15, uz koji je dostavio dio tražene dokumentacije i obrazloženja.

Nadalje, FERK je podnosiocu zahtjeva dana 02.12.2015. godine dostavio Zahtjev za informacijama broj 06-03-579-05/18/15, u povodu kojeg je podnosilac zahtjeva dostavio, dopis primljen u FERK dana 14.12.2015. godine. godine pod brojem 06-03-579-06/18/15, dopis primljen u FERK dana 04.01.2015. godine pod brojem 06-03-579-07/18/15, dopis primljen u FERK 26.12.2015. godine pod brojem 06-03-579-08/18/15, dopis primljen u FERK dana 04.01.2016. godine pod brojem 06-03-579-09/18/15, dopis primljen u FERK dana 23.03.2016. godine pod brojem 06-03-579-10/18/15, dopis primljen u FERK dana 18.04.2016. godine pod brojem 06-03-579-11/18/15, dopis primljen u FERK dana 17.05.2016. godine pod brojem 06-03-579-12/18/15, te dopis primljen u FERK dana 24.05.2016. godine pod brojem 06-03-579-13/18/15, kao i dopis primljen u FERK dana 13.06.2016. godine pod brojem 06-03-579-14/18/15, uz koje je dostavio traženu dokumentaciju i obrazloženja.

Postupajući u skladu sa članom 15. Pravilnika za izdavanje dozvola FERK je dana 16.06.2016. godine u Večernjem listu, Dnevnom avazu i Nezavisnim novinama, kao i na svojoj i internet stranici, objavio Obavještenje za javnost o podnesenom Zahtjevu za izdavanje dozvole za rad za proizvodnju električne energije podnosioca zahtjeva „SJAJ“ Maglaj, d.o.o..

Povodom Obavještenja za javnost, do roka naznačenog u obavještenju odnosno do 23.06.2016. godine do 10:00 sati, FERK nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umješača.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 17. stav (2) i stav (3) Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj 06-03-579/18/15 od 24.06.2015. godine, podnosioca „SJAJ“ Maglaj, d.o.o.. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-579-16/18/15 od 04.07.2016. godine usvojio Nacrt dozvole za rad za proizvodnju električne energije, dok je Odlukom FERK-a broj 06-03-579-17/18/15 od 4.7.2016. godine ovaj nacrt upućen u proces javne rasprave, te je određeno mjesto, datum i vrijeme održavanja opšte rasprave o predmetnom Nacrtu dozvole za rad za proizvodnju električne energije, imenovan voditelj postupka i zamjenik voditelja postupka, kao i da zainteresovana lica svoje usmene komentare na Nacrt dozvole za rad za proizvodnju električne energije mogu dati na opštoj raspravi koja je održana dana 14.07.2016. godine u 14:00 sati, u prostorijama FERK-a, u

Mostaru, a pisani komentari su se mogli dostaviti na adresu FERK-a ili na elektronsku adresu, u periodu od 06.07.2016. godine do 15.07.2016. godine do 10:00 sati.

Opštoj raspravi o Nacrtu dozvole za rad za proizvodnju električne energije prisustvovali su predstavnici FERK-a i podnosioca zahtjeva. Podnosilac zahtjeva je istakao da nema primjedbi na predloženi tekst nacrtu dozvole, kao i da će „SJAJ“ Maglaj, d.o.o. iz Srebrenika ispuniti sve dozvolom postavljene uslove.

Do ostavljenog roka za dostavu pisanih komentara, odnosno do 15.07.2016. godine do 10:00 sati, u FERK nisu primljeni pisani komentari na Nacrt dozvole za rad za proizvodnju električne energije.

U skladu sa članom 19. Pravilnika za izdavanje dozvola, voditelj postupka pripremio je pisani izvještaj, te je isto uputio podnosiocu zahtjeva na komentare dana 15.07.2016. godine pod brojem 06-03-579-18/18/15.

Podnosilac zahtjeva je povodom navedenog FERK-u dostavio dana 19.07.2016. godine dopis primljen u FERK pod brojem 06-03-579-19/18/15, u kojem je naveo da je saglasan sa izvještajem voditelja postupka javne rasprave.

Izvještaj voditelja postupka dostavljen je članovima FERK-a dana 15.07.2016. godine pod internim brojem 06-08-1008/16, na razmatranje radi donošenja odluke.

Na osnovu obrade Zahtjeva za izdavanje dozvole za rad za proizvodnju električne energije podnosioca „SJAJ“ Maglaj, d.o.o. i dokumentacije priložene uz zahtjev, utvrđeno je da podnosilac zahtjeva ispunjava kriterijume za izdavanje dozvole za rad za proizvodnju električne energije i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonom o korištenju obnovljivih izvora energije i efikasne kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, kao i analize postupka opšte rasprave, odnosno izvještaja voditelja postupka, u dozvoli koja je predmet ovog rješenja podnosiocu zahtjeva postavljeni su, u skladu sa članom 32., članom 33. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu „SJAJ“ Maglaj, d.o.o., da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterijuma.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSEDNICE FERK-a
Sanela Pokrajčić